

आकाशवाणी

खबरां

1. लोकसभा दी कार्रवाई मतदाता सूचिएं दी विशेष ते व्यापक नजरसानी आहले मामले गी लेइयै विपक्ष दे शोर-शराबे दे चलदे दिन भरै लेई स्थगित।
2. पार्लिमानी मामले दे मंत्री किरण रिजिजू होरें आखेआ जे विपक्ष इस मामले गी संसद दी कार्रवाई च विघ्न पाने लेई अगगे खिच्चा'रदा ऐ।
3. चुनाव आयोग नै पच्छिम बंगाल च 2 जहार 208 बूथ पर 100 फीसद कम्मै सरबंधी स्पष्टिकरण मंगेआ ऐ।
4. काशी तमिल संगमम दा चौथा संस्करण अज्ज संज्ञा वाराणसी च शुरू होआ।
5. मौसम विभाग नै दिक्वा दे होर कमजोर पौने दी घोशणा कीती। मौसम विभाग अगले 24 घंटे दरान चेन्नई, तिरुवुलर ते कांचीपुरम लेई रेड अलर्ट जारी कीता।

<><><><><><>

LS-Adjourned

विशेष गहन पुनरीक्षण एस.आई.आर दे मुद्दे पर गतिरोध जारी रौहने करी संसद दे दौनें सदनं दी कार्रवाई दिन भरै आस्तै स्थगित करी दित्ती गई ऐ। एस.आई.आर पर चर्चा दी विपक्ष दी मंग मगरा लोकसभा दी कार्रवाई 2 बारी स्थगित होई ते फही उसी दिन भरै लेई स्थगित करी दित्ता गेआ। दुई बारी स्थगित होने मगरा लोकसभा दी कार्रवाई दपैहरी 2 बजे परतिए शुरू होई तां विपक्षी सदस्य शोर-शराबा पाया ते एस.आई.आर खिलाफ नारे लान लगी पेए। पीठासीन अधिकारी नै सदन गी चलाने दी पूरी कोशिश कीती पर फायदा नेई होआ। राज्यसभा च जिसलै पैहली बारी स्थगित होई तां फही दपैहरी 2 बजे परतिए लगगी। संसदीय मंत्री होरें आखेआ जे सरकार हर मुद्दे पर चर्चा लेई तयार ऐ, पर विरोध दे चलदे राज्यसभा दी कार्रवाई गी बी दिन भरै लेई स्थगित करी दित्ता गेआ।

<><><><><><>

Rijju-Opposition

पार्लियामानी मामलें दे मंत्री किरण रिजिजू होरें आखेआ ऐ जे सरकार मतदाता सूचिएं दी खास गहन जनरसानी एस.आई.आर ते चुनाव सुधारें पर चर्चा लेई तयार ऐ। रिजिजू होरें विपक्ष थमां कोई समें सीमा नेई थोपने दा आग्रह कीता। लोकसभा च उनें आखेआ जे सरकार नै इस मामले पर चर्चा आस्तै विपक्षी दलें दे किश नेताएं गी साहा दित्ता ऐ। रिजिजू होरें एह बी चेता दोआया जे सरकार नै विपक्ष दे चर्चा दे अनुरोध गी अस्वीकार नेई कीता ऐ। उंदी एह टिप्पणी विपक्षी दलें आसेआ एस.आई.आर ते चुनाव सुधार पर चर्चा दी मंग दे मगरा आई ऐ। तोआई, विपक्षी पार्टिएं दे नेता राहुल गांधी, सोनिया गांधी, प्रियंका गांधी ते होर दुए नेताएं संसद दे बाहरें बरोध-प्रदर्शन कीता।

<><><><><><>

Loksabha QH

कृषि मंत्री शिवराज सिंह चौहान होरें आखेआ ऐ जे महात्मा गांधी राश्ट्री ग्रामीण रोजगार गारंटी योजना-मनरेगा आस्तै सरकार नै माली बरै 2025-26 च राज्यें ते केंद्र शासित प्रदेशें गी 68 जहार 393 अशारिया 6-7 करोड़ रपे जारी कीते ना। सिंह होरें लोकसभा च इक सोआलै दे परते च दस्सेआ जे मजदूरी आस्तै 57 जहार 853 करोड़ 62 लख रपे ते प्रशासनिक कम्में आस्ते करीब 10 जहार 540 करोड़ रपे दित्ते गए ना। कृषि मंत्री होरें दस्सेआ जे सरकार प्रतख लाह आवंटित करने सरबंधी प्रोटोकाल राएं मजदूरी दा भुगतान सिद्धे लाभार्थियें दे खाते च जमा करदी ऐ।

<><><><><><>

## RajyaSabha

सरकारै आखेआ ऐ जे 91 जहार थमां मते सरकारी भवनें दी छतें पर 1800 मैगावाट थमां मती क्षमता आहले सौर पैनल लाए गए ना। परती-परतिऐ बरतोने आहली उर्जा दे राज्यमंत्री श्रीपद येसो नाइक होरें राज्यसभा च इक लिखित परते च एह जानकारी दिती। उनें आखेआ जे सारे केंद्री मंत्रालयें ते विभागें गी अनुरोध कीता गेआ ऐ जे ओह अपनी सारी ईमारतें पर रूफ-टॉप सौर संयंत्र लाने आस्तै जरूरी निर्देश जारी करै। एह पैहल प्रधानमंत्री सूर्य घर मुफ्त बिजली योजना दा हिस्सा ऐ। एहदा मकसद तकनीकी तौर पर मुमकन सारे सरकारी भवनें गी सौर उर्जायुक्त करना ऐ।

<><><><><><>

## Bihar-Speaker

बीजेपी दे सीनियर लीडर डॉ. प्रेम कुमार होरें गी 18मीं बिहार विधानसभा दा नमा स्पीकर चुनेआ गेआ ऐ। प्रोटेन स्पीकर नरेंद्र नारायण यादव होरें अजज विधानसभा सत्र दे दुए रोज सर्वसम्मति कन्नै प्रेम कुमार दे स्पीकर चुने जाने दी घोशणा कीती। ओह निर्विरोध चुने गए ना। ध्यानजोग ऐ जे बीजेपी दे सीनियर लीडर डॉ. प्रेम कुमार गया टाउन असेंबली सीट थमां नौमी बारी विधायक चुने गए ना। उनें पिछली कई सरकारें च बक्ख-बक्ख मंत्री ओहदे पर कम्म कीता ऐ।

<><><><><><>

## EC-Best Bengal

पच्छिम बंगाल दे मुख् चुनां अधिकारी होरें जिला चुनां अधिकारिएं गी लिखी दी चिट्ठी च साफ कीता जे मौजूदा बूथ स्तर दे अधिकारी बी.एल.ओ कश मजूद उपलब्ध सारे गणना फार्म डिजिटल करी दित्ते जाडन। किट्टे कीते गेदे सारे फार्में गी कल्लै सवां रोजै स्हाबै डिजिटल करना होगा। जेहडे फार्म बी.एल.ओ गी नेई सौंपे जाडन, उंनेंगी अन कलेक्टिव फार्म दे तौर पर वर्गीकृत कीता जाहगा। उनें आखेआ जे पिछले चुनां च जिनें बूथ गी संवेदनशील घोशित कीता गेआ हा, उंनेंगी जांच आस्तै ध्यानै च रखेआ जाहगा ते कन्नै गै ई.आर.ओ गी जनम ते मृत्यु दे रजिस्ट्रार जनरल थमां मृत व्यक्तियें दे डेटा दी तस्दीक करने दा निर्देश दित्ता गेआ ऐ। चुनां आयोग नै पच्छिम बंगाल दे 2 जहार 208 बूथ पर 100 फीसद कम्म कीते जाने बारै व्यापक रिपोर्ट मंगी ऐ। जिला चुनां अधिकारी गी इस बारै च अपनी रिपोर्ट जमा कराने लेई आखेआ गेआ हा।

<><><><><><>

## EC-SIR

चुनां आयोग नै अज्ज आखेआ जे बशेष व्यापक नजरसानी दा दुआ गेढ शुरू होने दे बाद थमां मतदाताएं गी 50 करोड़ 85 लक्ख कोला मते गणना प्रपत्र बंडे जाई चुके दे ना। एह इस गेढ दा तकरीबन 51 करोड़ मतदाताएं दा 99 इशारिया 7-8 फीसद ऐ। आयोग नै आखेआ ऐ जे हुनै तोड़ी तकरीबन 40 करोड़ फार्म डिजिटाइज कीते जाई चुके दे ना। एस.आई.आर दा दुआ गेढ हाल च गै 9 राज्यें ते 3 केंद्र शासित प्रदेशें च शुरू होआ। एह राज्यते केंद्र शासित प्रदेश न-छत्तीसगढ़, गोवा, गुजरात, केरल, मध्य प्रदेश, राजस्थान, तमिलनाडू, उत्तर प्रदेश, पच्छिम बंगाल, पुदुचेरी, लक्षद्वीप अंडमान ते निकोबार द्वीप समूह। मतदाता सूची दा बड्डे पैमाने पर पुररीक्षदण अगले बरे 7 फरवरी गी अखीरली मतदाता सूची दे प्रकाशन कन्नै खत्म होगा।

<><><><><><>

## Karnatka-Dy CM

कर्नाटक च मुख्मंत्री पद आस्तै जारी खिच्चतान दे चलदे मुख्मंत्री सिद्धारमैया होरें अज्ज बेंगलुरु च उपमुख्मंत्री डी.के शिव कुमार हुंदे कन्नै उन्दे आवास पर मलाटी करियै उत्थे नाशता कीता। एहदे शा पैहले शिव कुमार होरें मुख्मंत्री सिद्धारमैया हुंदे आवास पर बैठक कीती ही। बैठक मगरा सिद्धारमैया होरें मीडियाकर्मियें कन्नै गल्लबात च आखेआ जे राज्य च मंत्रिमंडल दे फेरबदल या फही नेतृत्व च बदलाव पर पार्टी दे नेता राहुल गांधी होर फैसला लैडन। सिद्धारमैया होरें आखेआ जे उंदी ते शिव कुमार हुंदी विचारधारा इक समान ऐ ते ओह

ब'रे 2028 च अगला विधानसभा चुनांs किट्टै रलियै लडडन। उनें दस्सेआ जे बैठक च 8 दिसंबर कोला शुरू होआ'रदे विधानसभा सत्र दी रणनीति पर चर्चा होई।

<><><><><><>

### Finance Minister

खजाना मंत्री निर्मला सीतारमण होरें अज्ज आखेआ जे अर्थ बवस्था दे बधदे डिजिटलीकरण ते नमें आर्थिक नतीजें कन्नै दुनिया दे मुल्लें गी इक दुए कन्नै समेंसिर जानकारिएं दे लैन-देन गी यकीनी करियै इक दुए दा सहयोग करना होगा। एहदे कन्नै गै टैक्स सरिस्ते च लोकें दे यकीन दी बहाली ते निर्पक्खता पक्की करनी होगा। अज्ज नमीं दिल्ली च 10में वैश्विक मंच दी समग्र मीटिंग गी संबोधत करदे होई मंत्री होरें आखेआ जे भारत च टैक्स आहले मामलें च पारदर्शिता नै प्रशासनिक सुधारें थमां म्हेशां बेहतर नतीजे दस्से ना।

<><><><><><>

### Kashi-Tamil Sangamam

चौथा काशी तमिल संगमम अज्ज वाराणसी, उत्तर प्रदेश च रम्भ होआ। केंद्री शिक्षा मंत्री धर्मेन्द्र प्रधान ते उत्तर प्रदेश दे मुख्मन्त्री योगी आदित्यनाथ होरें सांझे तौरा पर इस आयोजन दा उद्घाटन कीता जेदा मकसद उत्तर दक्खन मझाटै सरबंध तगडे करना ऐ। अज्ज संझा नमो घाट च इस आयोजन दा भव्य उद्घाटन कीता गेआ। इस ब'रे दा विशेसार ऐ-आओ तमिल सिक्खियै यानि तमिल करकलम। जंदे तारें प्रधानमंत्री नरेंद्र मोदी होरें अपने 'मन की बात' प्रोग्राम च आखेआ हा जे काशी तमिल संगमम, तमिल भाशा कन्नै जुडे दे लोकें लेई इक महत्वै आहला मंच ऐ। चौथे काशी तमिल संगमम दे केंद्र च जेडा विशेसार ऐ-ओहू ऐ "आओ तमिल सिक्खियै यानि तमिल करकलम"।

<><><><><><>

### Rail Kashi Sangaman

रेलवे चौथे काशी तमिलनाडू संगमम आस्ते कन्याकुमारी, चेन्नई, कोयंबटूर ते वाराणसी चला'रदा ऐ। रेल मंत्रालय नै दस्सेआ ऐ जे एह रेल गड्डियां कार्यक्रम च शामिल प्रतिभागिएं आस्तै सूचनाएं यात्रा ते लम्मी दूरी दी यात्रा समेंसिर यकीनी बनी सकें पैहली रेल गड्डी पिछले म्हीने दी 29 तरीक गी कन्याकुमारी थमां रवाना होई। अज्ज चेन्नई थमां इक होर रेल गड्डी रवाना होई। कायंबटूर, चेन्नई, कन्याकुमारी थमां बी खास रेल गड्डियां चलाने दी योजना ऐ। वाराणसी थमां वापसी सेवा 5 दिसंबर थमां होडन। काशी तमिल संगमम 15 दिसंबर तगर चलोग।

<><><><><><>

### Scindia-Sanchar Saathi

संचार मंत्री ज्योतिरादित्य सिंधिया होरें आखेआ ऐ जे साइबर धोखाधडी आस्तै दूर संचार संसाधनें दे गलत इस्तेमाल गी रोकने ते साइबर सुरक्षा यकीनी बनाने दे मकसद कन्नै संचार साथी ऐप आहनेआ गेआ ऐ। सिंधिया होरें संसद भवन दे बाहर पत्रकारें गी आखेआ जे इस ऐप गी कोई बी व्यक्ति चाह ते अपने मोबाइल फोन थमां हटाई सकदा ऐ। उनें आखेआ जे एहू पूरी चाल्ली मोबाइल उपभोक्ता पर निर्भर ऐ जे ओहू इसी रखना चाहंदा ऐ या नेई।

<><><><><><>

### Cyclone-Storm

दक्खन-पच्छिम बंगाल दी खाड़ी ते आले-दोआले दे पच्छमी मध्य क्षेत्र, उत्तरी तमिलनाडु, पुदुचेरी ते दक्खनी आंध्र प्रदेश दे तटं पर घट्ट दवा दा क्षेत्र बल्ले-बल्ले दक्खन पच्छिम आहली भेठा बदी गेआ। पिछले किश घंटे दरान एहू 3 किलोमीटर फ्ही घंटे दी रफ्तार कन्नै अग्रे बदेआ ऐ। एहू चेन्नई कश तकरीबन 60 किलोमीटर पर कंद्रित ऐ। एहदी घट्टोघट्ट दूरी उत्तरी तमिलनाडु-पुदुचेरी थमां करीब 20 किलोमीटर ऐ। मौसम विभाग नै एहदे कल्लै तगर होर कमजोर पौने दी घोशणा कीती ऐ।

<><><><><><>

## IMD

मौसम विभाग नै दिल्ली, हरियाणा, चंडीगढ़, मध्य महाराष्ट, मराठवाड़ा ते पंजाब च सीत लैहर चलने दी पेशगोई कीती ऐ। मौसम विभाग मुजब हिमाचल प्रदेश, नागालैंड, मणिपुर, मिजोरम, त्रिपुरा ते ओडिशा च अज्ज घनी धुंध छाई दी रौह्ग।

<><><><><><>

## PM-Devarat

प्रधानमंत्री नरेंद्र मोदी होरें शुक्ल यजुर्वेद दी माध्यदिनी शाखा दे 2 ज्हार मंत्रें आह्ले युक्त दंडक्रम पारायण गी विजन कुसै रूकावट दे 50 दिनें च पूरा करने पर वेद मूर्ति देवव्रत महेश रेखे होरेंगी बधाई दिती ऐ। सोशल मीडिया दी इक पोस्ट च मोदी होरें आखेआ जे 19 ब'रें दे वेद मूर्ति देवव्रत महेश रेखे होरें जो कीता, उसी औने आह्लियां पीढियां चेत्ता रक्खडन।

<><><><><><>

## Navy-Chief

नौसेना प्रमुख एडमिरल दिनेश के. त्रिपाठी होरें आखेआ ऐ जे आपरेशन सिंदूर दरान आक्रामक रूख ते कैरियर बैटल ग्रुप दी फौरी तैनाती करी पाकिस्तानी नौसेना गी अपनी बंदरगाहें तगर सीमित रौह्ना पेआ। सालाना संवाददाता सम्मेलन च त्रिपाठी होरें आखेआ जे आपरेशन सिंदूर अजें बी जारी ऐ ते एहू भारत दी बचनबद्धता, फौरी ते तेजिया कन्नै ते प्रतिरोधक क्षमता दा परिचय दिंदा ऐ।

<><><><><><>

## Imran-PTI

पाकिस्तान तहरी-ए-इंसाफ पार्टी नै इस्लामाबाद उच्च न्यायालय ते रावलपिंडी दी अदियाला जेल दे बाहर प्रदर्शन दी घोशणा कीती ऐ। जेल च बंद साबका प्रधानमंत्री इमरान खान हुं'दे कन्नै पार्टी नेताएं ते उंदे परौआर आह्लें गी मिलन नेई दिता जा'रदा ऐ। सरकार आसेआ लोकें दे इक जगह किट्टे होने ते जेल च बंद कैदिएं कन्नै मलाटी दे अधिकारें गी सीमित कीते जाने मगरा इमरान खान हुं'दी स्थिति गी लेइयै चिंता बदी गई ऐ। अधिकारिएं इस्लामाबाद ते रावलपिंडी च दफा 144 लागू करी दिती ऐ। पार्टी नेता असद कैसर होरें आखेआ ऐ जे विपक्षी सांसद अदियाला जेल तगर प्रदर्शन करने थमां पैहले उच्च न्यायालय दे बाहर किट्टे होंगन। अदियाला जेल अधिकारिएं सारी अफवाहें गी खारिज करदे होई आखेआ जे इमरान खान हुं'दी सेहत ठीक ऐ ते उनेंगी हर चाल्ली दी सुविधा दिती जा'रदी ऐ। इमरान खान होर अगस्त 20263 थमां जेल च न। 2022 च अविश्वास प्रस्ताव राएं सत्ता सोयां बेदखल होने मगरा उन्दे पर भ्रष्टाचार ते आतंकवाद दे केई सारे मामले चला'रदे न।

<><><><><><>

## Imran Human Right

पाकिस्तान दे मानवाधिकार आयोग नै पाकिस्तान तहरीक-ए-इंसाफ पार्टी प्रमुख ते साबका प्रधानमंत्री इमरान खान हुं'दी हिरासत ते उंदे परौआर कन्नै मलाटी पर पाबंदिएं कन्नै जुडी दिएं खबरें पर चिंता जाहिर कीती ऐ। आयोग नै पाकिस्तान सरकार ते पंजाब प्रांत दे गृह विभाग सोयां संवैधानिक प्रक्रिया, सुरक्षा ते मानवीय बवहार दे अंतरराष्ट्री मानकें दा पालन करने दा आह्वान कीता।

<><><><><><>

## Kvatra-America

अमरीका च भारत दे राजदूत विनय कवात्रा होरें उर्जा, रक्षा ते बपार च दपक्खी सहयोग गी मजबूत करने आस्तै असरदार अमरीका दे सांसदें दे इक समूह कन्नै सकारात्मक गल्लबात कीती। सोशल मीडिया दी इक पोस्ट च कवात्रा होरें आखेआ जे वाशिंगटन स्थित राजदूत दे आधिकारिक आवास इंडिया हाउस च अमरीका दे सांसदें दी मेजबानी करिए ओहू सम्मानित मसूस करा'रदे न।

<><><><><><>